

# NOVAE PRECES EUCHARISTICAE ET PRAEFATIONES

## SACRA RITUUM CONGREGATIO

### DECRETUM

Prece eucharistica, in peragendis Missarum sollemniis, Ecclesia, ad oboediendum mandato Domini, quo ipse dixit: »Hoc facite in meam commemorationem« (1 Cor. 11, 24-25), consuevit id quod Christus fecit in novissima Cena iterare et clementissimo Patri gratiarum actiones referre ob mirabilia ab eo in oeconomia salutis in Christo patrata. Ut hoc abundantius et varius fieri possit, recentioribus temporibus in votis plurimum Episcoporum atque fidelium, necnon rerum liturgicarum cultorum, ut Ecclesia latina, non secus atque aliae Ecclesiae, praeter traditum ac venerabilem Canonem Romanum, in usu sane manentem, alias quoque preces eucharisticas induceret.

Consilium proinde ad exsequendam Constitutionem de sacra Liturgia deputatum, de mandato Summi Pontificis, tres novas preces eucharisticas apparavit, quibus addidit ampliorem etiam praefationum copiam, quippe quae, cum sint partes ipsius precis eucharisticae, mysterium salutis per anni circulum evidentius explicant et annuntiant.

Hos autem textus ab eodem Consilio apparatus Sacra haec Rituum Congregatio recognovit, eosdemque Summus Pontifex Paulus PP. VI approbavit atque evulgari permisit, ut in omnibus ecclesiis ritus latini adhiberi possint a die 15 augusti 1968, festo Assumptionis B.M.V.

Interpretationes autem populares eorundem textuum, a Conferentiis Episcopalibus ad normam Constitutionis conciliaris »Sacrosanctum Concilium« (art. 36 §§ 3 et 4) necnon Instructions »Inter Oecumenici« (nn. 29 et 30) approbentur, acta vero ab Apostolica Sede probanda seu confirmanda, una cum iisdem interpretationibus, ad memoratum Consilium de more mittantur.

Contrariis quibuslibet minime obstantibus.

Romae, die 23 maii 1968, in festo Ascensionis Domini.

† FERDINANDUS ANTONELLI

*Archiep. tit. Idicrensis, S.R.C. a Secretis*

BENNO Card. GUT

*S.R.C. Praefectus et »Consilii« Praeses*

## NORMAE PRO ADHIBENDIS PRECIBUS EUCHARISTICIS

### Prex eucharistica I

I. Prex eucharistica prima, seu Canon Romanus, qui semper adhiberi potest opportunius dicitur diebus, quibus assignantur *Communicantes* propria, aut in Missis, quae *Hanc igitur* propriis ditantur, necnon in festis Apostolorum et Sanctorum, quorum mentio fit in ipsa prece; itemque diebus dominicis, nisi, ob rationes pastorales, praeferatur alia prex eucharistica.

II. In concelebratione et pro cantu servantur normae, quae habentur in nn. 35-42 *Ritus servandi in concelebratione Missae* (7 martii 1965).

### Prex eucharistica II

I. Prex eucharistica tertia cum qualibet praefatione dici potest. venientius sumitur diebus infra hebdomadam, vel in peculiaribus adiunctis.

Quamvis praefatione propria instructa sit, adhiberi potest etiam cum aliis praefationibus, cum iis praesertim quae mysterium salutis compendiose repraesentant, v. g. cum praefationibus de dominicis per annum aut cum praefationibus communibus.

Quando Missa pro aliquo defuncto celebratur, inseri potest peculiaris formula, suo loco, nempe ante *Memento etiam*.

II. In concelebratione:

1. *Vere sanctus* a solo celebrante principali, extensis manibus, profertur.

2. Ab *Haec ergo dona*, usque ad *Et supplices* omnes concelebrantes omnia simul proferunt, hoc modo:

a) *Haec ergo dona* manibus ad oblata extensis, quas ad finem iungunt;

b) *Qui cum passioni et Simili modo* manibus iunctis, et caput inclinantes ad verba *gratias agens*;

c) Verba Domini, manu dextera, si opportunum videtur, ad panem et ad calicem extensa; ad elevationem autem hostiam et calicem aspicientes ac postea profunde se inclinantes;

d) *Memores igitur* manibus extensis;

e) *Et supplices* profunde inclinati ac manibus iunctis.

3. Intercessionem pro vivis: *Recordare, Domine*; et pro defunctis: *Memento etiam fratrum nostrorum*, uni alterive e concelebrantibus committi possunt, qui solus eas manibus extensis profert.

4. Doxologia in fine precis a solo celebrante principali, aut ab omnibus concelebrantibus una cum celebrante principali profertur.

5. Acclamatio post consecrationem incipitur a celebrante principali per verba: *Mysterium fidei*; populus autem eam prosequitur formula proposita.

III. Huius precis eucharisticae doxologiam finalem cantu proferri licet.

### Prex eucharistica III

I. Prex eucharistica tertia cum qualibet praefatione dici potest. Pariter ac Canonis Romani eius usus praeferatur diebus dominicis et festis.

In hac prece adhiberi potest peculiaris formula pro defuncto, suo loco inserenda, nempe post verba: *Omnes filios tuos ubique dispersos, tibi, clemens Pater, miseratus coniunge*.

II. In concelebratione:

1. *Vere sanctus* a solo celebrante principali, extensis manibus, profertur.

2. A *Supplices ergo te, Domine*, usque ad *Respice, quaesumus*, omnes concelebrantes omnia simul proferunt hoc modo:

a) *Supplices ergo te, Domine*, manibus ad oblata extensis, quas ad finem iungunt, nempe quando dicunt: *cuius mandato haec mysteria celebramus*;

b) *Ipsa enim in qua nocte tradebatur et Simili modo* manibus iunctis, et caput inclinantes ad verba *gratias agens*;

c) Verba Domini, manu dextera, si opportunum videtur, ad panem et ad calicem extensa; ad elevationem autem hostiam et calicem aspicientes ac postea profunde se inclinantes;

d) *Memores igitur* manibus extensis;

e) *Respice, quaesumus*, profunde inclinati ac manibus iunctis.

3. Intercessionem: *Ipsa nos tibi perficiat et Haec hostia nostrae reconciliationis*, uni alterive e concelebrantibus committi possunt, qui solus has preces manibus extensis profert.

4. Doxologia in fine precis a solo celebrante principali aut ab omnibus concelebrantibus una cum celebrante principali profertur.

5. Acclamatio post consecrationem incipitur a celebrante principali per verba: *Mysterium fidei*; populus autem eam prosequitur formula proposita.

III. Huius precis eucharisticae partes, quae sequuntur: *Ipsa enim, Simili modo, Memores igitur*, necnon doxologiam finalem cantu proferri licet.

#### Prex eucharistica IV

I. Prex eucharistica quarta praefationem immutabilem habet et compendium plenius historiae salutis praebet. Adhiberi potest quando Missa praefatione propria caret, et opportunius dicitur in coetu fidelium, qui cognitione altiore Sacrae Scripturae pollent.

In hanc precem, ratione structurae, inseri nequit peculiaris formula pro defuncto.

#### II. In concelebratione:

1. Praefatio et *Confitemur tibi, Pater sancte*, usque ad *omnem sanctificationem completeret*, a solo celebrante principali, extensis manibus, proferuntur.

2. A *Quaesumus igitur, Domine*, usque ad *Respice, Domine* omnes concelebrantes omnia simul proferunt, hoc modo:

a) *Quaesumus igitur, Domine*, manibus ad oblata extensis, quas ad finem iungunt, nempe quando dicunt: *in foedus aeternum*;

b) *Ipsa enim, cum hora venisset et Simili modo*, manibus iunctis, et caput inclinantes ad verba *gratias egit*, quae tantum ante consecrationem vini dicuntur in hac prece;

c) Verba Domini, manu dextera, si opportunum videtur, ad panem et ad calicem extensa; ad elevationem autem hostiam et calicem aspicientes ac postea profunde se inclinantes;

d) *Unde et nos*, manibus extensis;

e) *Respice, Domine*, profunde inclinati et manibus iunctis.

3. Intercessionem: *Nunc ergo, Domine, omnium recordare*, uni e concelebrantibus committi possunt, qui solus eas manibus extensis profert.

4. Doxologia in fine precis a solo celebrante principali aut ab omnibus concelebrantibus una cum celebrante principali profertur.

5. Acclamatio post consecrationem incipitur a celebrante principali per verba: *Mysterium fidei*; populus autem eam prosequitur formula proposita.

III. Huius precis eucharisticae partes, quae sequuntur: *Quaesumus igitur, Ipse enim, Simili modo, Unde et nos*, necnon doxologiam finalem cantu proferri licet.

## PRAEFATIONES

### Praefatio de Adventu, I

Sequens praefatio dicitur: a) tamquam propria in Missis de tempore a prima dominica Adventus usque ad diem 16 decembris; b) tamquam de tempore in ceteris Missis, quae celebrantur eodem tempore et praefatione propria carent.

Vere dignum et iustum est, aequum et salutare,  
nos tibi semper et ubique gratias agere:  
Domine, sancte Pater, omnipotens aeterne Deus:  
per Christum Dominum nostrum.  
Qui, primo adventu in humilitate carnis assumptae,  
dispositionis antiquae munus implevit,  
nobisque salutis perpetuae tramitem reseravit:  
ut, cum secundo venerit in suae gloria maiestatis,  
manifesto demum munere capiamus,  
quod vigilantes nunc audemus expectare promissum.  
Et ideo cum Angelis et Archangelis,  
cum Thronis et Dominationibus,  
cumque omni militia caelestis exercitus,  
hymnum gloriae tuae canimus,  
sine fine dicentes:  
Sanctus, Sanctus, Sanctus Dominus Deus Sabaoth, etc.

### Praefatio de Adventu, II

Sequens praefatio dicitur: a) tamquam propria in Missis de tempore a die 17 ad diem 24 decembris; b) tamquam de tempore in ceteris Missis, quae celebrantur eodem tempore et praefatione propria carent.

Vere dignum et iustum est, aequum et salutare,  
nos tibi semper et ubique gratias agere:  
Domine, sancte Pater, omnipotens aeterne Deus:

per Christum Dominum nostrum,  
Quem praedixerunt cunctorum praeconia prophetarum,  
Virgo Mater ineffabili dilectione sustinuit,  
Ioannes cecinit affuturum et adesse monstravit.  
Qui suae nativitatis mysterium tribuit nos praevenire  
gaudentes,  
ut et in oratione pervigiles  
et in suis inveniat laudibus exsultantes.  
Et ideo cum Angelis et Archangelis,  
cum Thronis et Dominationibus,  
cumque omni militia caelestis exercitus,  
hymnum gloriae tuae canimus, sine fine dicentes:  
Sanctus, Sanctus, Sanctus Dominus Deus Sabaoth, etc.

### **Praefatio de dominicis Quadragesimae**

Sequens praefatio dicitur tamquam propria in Missis de dominicis Quadragesimae.

Vere dignum et iustum est, aequum et salutare,  
nos tibi semper et ubique gratias agere:  
Domine, sancte Pater, omnipotens aeterne Deus:  
per Christum Dominum nostrum.  
Quia fidelibus tuis dignanter impendis  
quotannis paschalia sacramenta  
in gaudio purificatis mentibus exspectare:  
ut, pietatis officia et opera caritatis propensius exsequentes,  
frequentatione mysteriorum, quibus renati sunt,  
ad gratiae filiorum plenitudinem perducantur.  
Et ideo cum Angelis et Archangelis,  
cum Thronis et Dominationibus,  
cumque omni militia caelestis exercitus,  
hymnum gloriae tuae canimus,  
sine fine dicentes:  
Sanctus, Sanctus, Sanctus Dominus Deus Sabaoth, etc.

### **Praefatio de dominicis per annum, I**

Sequens praefatio dicitur tamquam propria in Missis de dominicis per annum.

Vere dignum et iustum est, aequum et salutare,  
nos tibi semper et ubique gratias agere:  
Domine, sancte Pater, omnipotens aeterne Deus:

per Christum Dominum nostrum.

Cuius hoc mirificum fuit opus per paschale mysterium,  
ut de peccato et mortis iugo ad hanc gloriam vocaremur,  
qua nunc genus electum, regale sacerdotium,  
gens sancta et acquisitionis populus diceremur,  
et tuas annuntiarem ubique virtutes,  
qui nos de tenebris ad tuum admirabile lumen vocasti.

Et ideo cum Angelis et Archangelis,  
cum Thronis et Dominationibus,  
cumque omni militia caelestis exercitus,  
hymnum gloriae tuae canimus,  
sine fine dicentes:

Sanctus, Sanctus, Sanctus Dominus Deus Sabaoth, etc.

### **Praefatio de dominicis per annum, II**

Sequens praefatio dicitur tamquam propria in Missis de dominicis per annum.

Vere dignum et iustum est, aequum et salutare,  
nos tibi semper et ubique gratias agere:

Domine, sancte Pater, omnipotens aeterne Deus:  
per Christum Dominum nostrum.

Qui, humanis miseratus erroribus,  
de Virgine nasci dignatus est.

Qui, crucem passus, a perpetua morte nos liberavit  
et, a mortuis resurgens, vitam nobis donavit aeternam.

Et ideo cum Angelis et Archangelis,  
cum Thronis et Dominationibus,  
cumque omni militia caelestis exercitus,  
hymnum gloriae tuae canimus,  
sine fine dicentes:

Sanctus, Sanctus, Sanctus Dominus Deus Sabaoth, etc.

### **Praefatio de Ss.ma Eucharistia**

Sequens praefatio dicitur tamquam propria in Missa »In Cena Domini« et in festo Ss.mi Corporis Christi, necnon in omnibus Missis votivis de Ss.mo Eucharistiae Sacramento.

Vere dignum et iustum est, aequum et salutare,  
nos tibi semper et ubique gratias agere:

Domine, sancte Pater, omnipotens aeterne Deus:

per Christum Dominum nostrum.  
Qui, verus aeternusque Sacerdos,  
formam sacrificii perennis instituens,  
hostiam tibi se primus obtulit salutarem,  
et nos, in sui memoriam, praecepit offerre,  
ut, in sacro convivio panem vitae sumentes,  
mortem suam annuntiemus donec veniat.  
Et ideo cum Angelis et Archangelis,  
cum Thronis et Dominationibus,  
cumque omni militia caelestis exercitus,  
hymnum gloriae tuae canimus, sine fine dicentes:  
Sanctus, Sanctus, Sanctus Dominus Deus Sabaoth, etc.

Quando adhibetur Canon Romanus, in Missa »In Cena Domini«  
infra Actionem *Communicantes*, *Hanc igitur et Qui pridie* propria,  
ut in Missali.

#### **Praefatio communis, I**

Sequens praefatio dicitur in Missis, quae praefatione propria  
carent, nec sumere debent praefationem de tempore.

Vere dignum et iustum est, aequum et salutare,  
nos tibi semper et ubique gratias agere:  
Domine, sancte Pater, omnipotens aeternae Deus:  
per Christum Dominum nostrum.  
In quo omnia instaurare tibi complacuit,  
et de plenitudine eius nos omnes accipere tribuisti.  
Cum enim in forma Dei esset, exinanivit semetipsum,  
ac per sanguinem crucis saepe pacificavit universa;  
unde exaltatus est super omnia  
et omnibus obtemperantibus sibi  
factus est causa salutis aeternae.  
Et ideo cum Angelis et Archangelis,  
cum Thronis et Dominationibus,  
cumque omni militia caelestis exercitus,  
hymnum gloriae tuae canimus,  
sine fine dicentes:  
Sanctus, Sanctus, Sanctus Dominus Deus Sabaoth, etc.

## **Praefatio communis, II**

Sequens praefatio dicitur in Missis, quae praefatione propria carent, nec sumere debent praefationem de tempore.

Vere dignum et iustum est, aequum et salutare,  
nos tibi semper et ubique gratias agere:  
Domine, sancte Pater, omnipotens aeterne Deus:  
Qui bonitate hominem condidisti,  
ac iustitia damnatum misericordia redemisti:  
per Christum Dominum nostrum.  
Per quem maiestatem tuam laudant Angeli,  
adorant Dominationes, tremunt Potestates.  
Caeli caelorumque Virtutes, ac beata Seraphim,  
solia exultatione concelebrant.  
Cum quibus et nostras voces  
ut admitti iubeas, deprecamur,  
supplici confessione dicentes:  
Sanctus, Sanctus, Sanctus Dominus Deus Sabaoth, etc.

## **PRECES EUCHARISTICAE**

### **PREX EUCHARISTICA I SEU CANON ROMANUS**

UT IN MISSALI ROMANO

### **PREX EUCHARISTICA II**

VERE DIGNUM et iustum est, aequum et salutare,  
nos tibi, sancte Pater, semper et ubique gratis agere  
per Filium dilectionis tuae Iesum Christum,  
Verbum tuum per quod cuncta fecisti,  
quem misisti nobis Salvatorem et Redemptorem,  
incarnatum de Spiritu Sancto et ex Virgine natum.  
Qui voluntatem tuam adimplens  
et populum tibi sanctum acquirens  
extendit manus cum pateretur,  
ut mortem solveret et resurrectionem manifestaret.  
Et ideo cum Angelis et omnibus Sanctis  
gloriam tuam praedicamus, una voce dicentes:  
Sanctus, Sanctus, Sanctus Dominus Deus Sabaoth, etc.

Sacerdos, extensis manibus, dicit:

VERE SANCTUS es, Domine, fons omnis sanctitatis.

Iungit manus et, eas expansas super oblata tenens, dicit:

HAEC ERGO dona, quaesumus,

Spiritus tui rore sanctifica,

*iungit manus*

*et signat semel super hostiam et calicem simul, dicens:*

ut nobis Corpus et † Sanguis fiant Domini nostri Iesu Christi.

*Iungit manus.*

In formulis, quae sequuntur, verba Domini proferantur disticte et aperte, prouti natura eorundem verborum requirit.

QUI CUM PASSIONI voluntariae traderetur,

*accipit hostiam ambabus manibus*

*eamque parum elevatam super altare tenens,*

*prosequitur:*

accepit panem et caput inclinat gratias agens fregit,

deditque discipulis suis, dicens:

**ACCIPITE ET MANDUCATE:**

**HOC EST ENIM CORPUS MEUM,**

**QUOD PRO VOBIS TRADATUR.**

Hostiam consecratam ostendit populo, reponit super patenam, et genuflexus adorat. Tunc, detecto calice, dicit:

Simili modo, postquam cenatum est,

*accipit calicem ambabus manibus*

*eumque parum elevatum super altare tenens,*

*prosequitur:*

accipiens et calicem,

*caput inclinat*

iterum gratias agens dedit discipulis suis, dicens:

**ACCIPITE ET BIBITE EX EO OMNES:**

**HIC EST ENIM CALIX SANGUINIS MEI**

**NOVI ET AETERNI TESTAMENTI,**

**QUI PRO VOBIS ET PRO MULTIS EFFUNDETUR**

**IN REMISSIONEM PECCATORUM.**

**HOC FACITE IN MEAM COMMEMORATIONEM.**

Calicem ostendit populo, deponit super corporale, cooperit, et genuflexus adorat.

Deinde dicit:

**Mysterium fidei:**

Et populus prosequitur, acclamans:

Montem tuam annuntiamus, Domine,  
et tuam resurrectionem confitemur, donec venias.

Aliae acclamationes, p. 349

Extensis manibus, sacerdos dicit:

**MEMORES IGITUR** mortis et resurrectionis eius,  
tibi, Domine, panem vitae et calicem salutis offerimus,  
gratias agentes quia nos dignos habuisti adstare coram te  
et tibi ministrare.

Iungit manus et, profunde inclinatus, dicit:

**ET SUPPLICES** deprecamur  
ut Corporis et Sanguinis Christi participes  
a Spiritu Sancto congregemur in unum.

Erigit se et, extensis manibus, prosequitur:

**RECORDARE, DOMINE,** Ecclesiae tuae toto orbe diffusae,  
ut eam in caritate perficias  
una cum Papa nostro N. et Episcopo nostro N. et universo  
clero.

In Missis pro defunctis addi potest:

Memento famuli tui (famulae tuae) N.,  
quem (quam) (hodie) ad te ex hoc mundo vocasti.  
Concede, ut, qui (quae) complantatus (complantata) fuit  
similitudini mortis Filii tui,  
simul fiat et resurrectionis ipsius.

**MEMENTO ETIAM** fratrum nostrorum,  
qui in spe resurrectionis dormierunt,  
omniumque defunctorum,  
et eos in lumen vultus tui admitte.

Omniū nostrū, quaesumus, miserere,  
ut cum beata Dei Genetrice Virgine Maria, beatis Apostolis  
et omnibus Sanctis, qui tibi a saeculo placuerunt,  
aeternae vitae mereamur esse consortes,  
et te laudemus et glorificemus  
*iungit manus*  
per Filium tuum Iesum Christum.

Discooperit calicem et, eum elevans cum hostia, cantat vel  
clara voce dicit:

PER IPSUM et cum ipso et in ipso  
est tibi Deo Patri omnipotenti,  
in unitate Spiritus Sancti,  
omnis honor et gloria,  
per omnia saecula saeculorum.  
*Populus respondet:*  
Amen.

### PREX EUCHARISTICA III

Sacerdos, extensis manibus, dicit:

VERE SANCTUS es, Domine,  
et merito te laudat omnis a te condita creatura,  
quia per Filium tuum, Dominum nostrum Iesum Christum,  
Spiritus Sancti operante virtute,  
vivificas et sanctificas universa,  
et populum tibi congregare non desinis,  
ut a solis ortu usque ad occasum  
oblatio munda offeratur nomini tuo.

*Iungit manus, easque expansas super oblata tenens, prosequitur:*

SUPPLICES ERGO te, Domine, deprecamur,  
ut haec munera, quae tibi sacrandā detulimus,  
eodem Spiritu sanctificare digneris,  
*iungit manus*  
*et signat semel super hostiam et calicem simul, dicens:*  
ut Corpus et † Sanguis fiant  
Filii tui Domini nostri Iesu Christi,  
*iungit manus*  
cuius mandato haec mysteria celebramus.

In formulis, quae sequuntur, verba Domini proferantur distincte et aperte, prouti natura eorundem verborum requirit.

*IPSE ENIM in qua nocte tradebatur  
accipit hostiam ambabus manibus  
eamque parum elevatam super altare tenens,  
prosequitur:*

*accepit panem  
caput inclinat  
et tibi gratias agens benedixit,  
fregit, deditque discipulis suis, dicens:*

**ACCIPITE ET MANDUCATE EX HOC OMNES:  
HOC EST ENIM CORPUS MEUM,  
QUOD PRO VOBIS TRADATUR.**

Hostiam consecratam ostendit populo, deponit super patenam, et genuflexus adorat. Tunc, detecto calice, dicit:

*Simili modo, postquam cenatum est,  
accipit calicem ambabus manibus  
eumque parum elevatum super altare tenens,  
prosequitur:*

*accipiens calicem,  
caput inclinat  
et tibi gratias agens benedixit,  
deditque discipulis suis, dicens:*

**ACCIPITE ET BIBITE EX EO OMNES:  
HIC EST ENIM CALIX SANGUINIS MEI  
NOVI ET AETERNI TESTAMENTI,  
QUI PRO VOBIS ET PRO MULTIS EFFUNDETUR  
IN REMISSIONEM PECCATORUM.  
HOC FACITE IN MEAM COMMEMORATIONEM.**

Calicem ostendit populo, deponit super corporale, cooperit, et genuflexus adorat.

Deinde dicit:

Mysterium fidei:

Et populus prosequitur, acclamans:

Mortem tuam annuntiamus, Domine,  
et tuam resurrectionem confitemur, donec venias.

Aliae acclamationes, p. 349

Deinde sacerdos, extensis manibus, dicit:

MEMORES IGITUR, Domine,  
eiusdem Filii tui salutiferae passionis  
necnon mirabilis resurrectionis et ascensionis in caelum,  
sed et praestolantes alterum eius adventum,  
hoc sacrificium vivum et sanctum.

Iungit manus et, profunde inclinatus, prosequitur:

RESPICE, QUAESUMUS, in oblationem Ecclesiae tuae  
et agnoscens Hostiam,  
cuius voluisti immolatione placari,  
concede, ut qui Corpore et Sanguine Filii tui reficimur,  
Spiritu eius Sancto repleti,  
unum corpus et unus spiritus inveniamur in Christo.

Erigit se et, extensis manibus, prosequitur:

IPSE NOS tibi perficiat munus aeternum,  
ut cum electis tuis hereditatem consequi valeamus,  
in primis cum beatiissima Virgine, Dei Genetrice, Maria,  
cum beatis Apostolis tuis et gloriosis Martyribus  
(cum Sancto N.: *Sancto diei vel patrono*) et omnibus Sanctis,  
quorum intercessione perpetuo apud te confidimus adiuvari.

HAEC HOSTIA nostrae reconciliationis proficiat, quae-  
sumus, Domine,  
ad totius mundi pacem atque salutem.  
Ecclesiam tuam, peregrinantem in terra,  
in fide et caritate firmare digneris  
cum famulo tuo Papa nostro N. et Episcopo nostro N.,  
cum episcopali ordine et universo clero  
et omni populo acquisitionis tuae.  
Votis huius familiae, quam tibi adstare voluisti, adesto  
propitius.

Omnes filios tuos ubique dispersos  
tibi, clemens Pater, miseratus coniunge.  
† Fratres nostros defunctos

et omnes qui, tibi placentes, ex hoc saeculo transierunt,  
in regnum tuum benignus admittite,  
ubi fore speramus, ut simul gloria tua perenniter satiemur,  
per Christum Dominum nostrum,  
per quem mundo bona cuncta largiris. †

Discooperit calicem et, eum elevans cum hostia, cantat vel  
clara voce dicit:

PER IPSUM et cum ipso et in ipso  
est tibi Deo Patri omnipotenti,  
in unitate Spiritus Sancti,  
omni honor et gloria,  
per omnia saecula saeculorum.  
*populus respondet:*  
Amen.

Quando haec prex eucharistica in Missis defunctorum adhibetur, dicitur:

† Memento famuli tui (famulae tuae) N.,  
quem (quam) (hodie) ad te te ex hoc mundo vocasti.  
Concede, ut, qui (quae) complantatus (complantata) fuit  
similitudini mortis Filii tui,  
simul fiat et resurrectionis ipsius,  
quando mortuos suscitabit in carne de terra  
et corpus humilitatis nostrae  
configurabit corpori claritatis suae.  
Sed et fratres nostros defunctos,  
et omnes qui, tibi placentes, ex hoc saeculo transierunt,  
in regnum tuum benignus admitte,  
ubi fore speramus, ut simul gloria tua perenniter satiemur,  
quando omnem lacrimam absterges ab oculis nostris,  
quia te, sicuti es, Deum nostrum videntes,  
tibi similes erimus cuncta per saecula,  
et te sine fine laudabimus,  
*iungit manus*  
per Christum Dominum nostrum,  
per quem mundo bona cuncta largiris. †

## PREX EUCHARISTICA IV

VERE DIGNUM EST tibi gratias agere,  
vere iustum est te glorificare, Pater sancte,  
quia unus es Deus vivus et verus,  
qui es ante saecula et permanes in aeternum,  
inaccessibilem lucem inhabitans;  
sed et qui unus bonus atque fons vitae cuncta fecisti,  
ut creaturas tuas benedictionibus adimpleres  
multasque laetificares tui luminis claritate.  
Et ideo coram te innumerae astant turbae angelorum,  
qui die ac nocte serviunt tibi  
et, vultus tui gloriam contemplantes,  
te incessanter glorificant.  
Cum quibus et nos et, per nostram vocem,  
omnis quae sub caelo est creatura  
nomentuum in exultatione confitemur, canentes:  
Sanctus, Sanctus, Sanctus Dominus Deus Sabaoth, etc.

Sacerdos, extensis manibus, dicit:

CONFITEMUR TIBI, Pater sancte,  
quia magnus es et omnia opera tua  
in sapientia et caritate fecisti.  
Hominem ad tuam imaginem condidisti,  
eique commisisti mundi curam universi,  
ut, tibi soli creatori serviens, creaturis omnibus imperaret.  
Et cum amicitiam tuam, non oboedines, amisisset,  
non eum dereliquisti in mortis imperio.  
Omnibus enim misericorditer subvenisti,  
ut te quaerentes invenirent.  
Sed et foedera pluries hominibus obtulisti  
eosque per prophetas erudisti in exspectatione salutis.  
Et sic, Pater sancte, mundum dilexisti,  
ut, completa plenitudine temporum,  
Unigenitum tuum nobis mitteres Salvatorem,  
Qui, incarnatus de Spiritu Sancto et natus ex Maria  
Virgine,  
in nostra conditionis forma est conversatus  
per omnia absque peccato;  
salutem evangelizavit pauperibus,  
redemptionem captivis,  
moestis corde laetitiam.

Ut tuam vero dispensationem impleret,  
in mortem tradidit semetipsum  
ac, resurgens a mortuis,  
mortem destruxit vitamque renovavit.  
Et, ut non amplius nobismetipsis viveremus,  
sed sibi qui nobis mortuus est atque surrexit,  
a te, Pater, misit Spiritum Sanctum primitias credentibus,  
qui, opus suum in mundo perficiens,  
omnem sanctificationem compleret.

Iungit manus, easque expansas super oblata tenens, prosequitur:

**QUAESUMUS** IGITUR, Domine, ut idem Spiritus Sanctus  
haec munera sanctificare dignetur,  
*iungit manus*  
*et signat semel super hostiam et calicem simul, dicens:*  
ut Corpus et † Sanguis fiant Domini nostri Iesus Christi  
*iungit manus*  
ad hoc magnum mysterium celebrandum,  
quod ipse nobis reliquit in foedus aeternum.

In formulis, quae sequuntur, verba Domini proferantur distincte et aperte, prout natura eorundem verborum requirit.

**IPSE ENIM**, cum hora venisset  
ut glorificaretur a te, Pater sancte,  
ac dilexisset suos qui erant in mundo,  
in finem dilexit eos:  
et cenantibus illis  
*accipit hostiam ambabus manibus,*  
*eamque parum elevatam super altare tenens,*  
*prosequitur:*  
accepit panem, benedixit ac fregit,  
deditque discipulis suis, dicens:

**ACCIPITE ET MANDUCATE EX HOC OMNES:  
HOC EST ENIM CORPUS MEUM,  
QUOD PRO VOBIS TRADETUR.**

Hostiam consecratam ostendit populo, deponit super patenam, et genuflexus adorat. Tunc, detecto calice, dicit:

Simili modo  
*accipit calicem ambabus manibus,*  
*eumque parum elevatum super altare tenens,*  
*prosequitur:*

accipiens calicem, ex genimine vitis repletum,  
*caput inclinat* gratias egit, deditque discipulis suis, dicens:

**ACCIPITE ET BIBITE EX EO OMNES:  
HIC EST ENIM CALIX SANGUINIS MEI  
NOVI ET AETERNI TESTAMENTI,  
QUI PRO VOBIS ET PRO MULTIS EFFUNDETUR  
IN REMISSIONEM PECCATORUM.  
HOC FACITE IN MEAM COMMEMORATIONEM.**

Calicem ostendit populo, deponit super corporale, cooperit, et genuflexus adorat.

Deinde dicit:

Mysterium fidei:

Et populus prosequitur, acclamans:

Mortem tuam annuntiamus, Domine,  
et tuam resurrectionem confitemur, donec venias.

Aliae acclamationes, p. 349

Deinde sacerdos, extensis manibus, dicit:

UNDE ET NOS, Domine, redemptionis nostrae memoriale  
nunc celebrantes,  
mortem Christi eiusque descensum ad inferos recolimus,  
eius resurrectionem et ascensionem ad tuam dexteram  
profitemur,  
et, exspectantes ipsius adventum in gloria,  
offerimus tibi eius Corpus et Sanguinem,  
sacrificium tibi acceptabile et toti mundo salutare.

Iungit manus et, profunde inclinatus, prosequitur:

RESPICE, DOMINE, in Hostiam, quam Ecclesiae tuae ipse  
parasti,  
et concede benignus omnibus qui ex hoc uno pane parti-  
cipabunt et calice,  
ut, in unum corpus a Sancto Spiritu congregati,  
in Christo hostia viva perficiantur, ad laudem gloriae tuae.

Erigit se et, extensis manibus, prosequitur:

NUNC ERGO, DOMINE, omnium recordare,  
pro quibus tibi hanc oblationem offerimus:  
in primis famuli tui, Papae nostri N.,  
Episcopi nostri N., et Episcoporum ordinis universi,  
sed et totius cleri, et offerentium, et circum adstantium,  
et cuncti populi tui,  
et omnium, qui te quaerunt corde sincero.  
Memento etiam illorum, qui obierunt in pace Christi tui,  
et omnium defunctorum, quorum fidem tu solus cognovisti.  
Nobis omnibus, filiis tuis, clemens Pater, concede,  
ut caelestem hereditatem consequi valeamus  
cum beata Virgine, Dei Genetrice, Maria,  
cum Apostolis et Sanctis tuis  
in regno tuo, ubi cum universa creatura,  
a corruptione peccati et mortis liberata,  
te glorificemus per Christum Dominum nostrum,  
*iungit manus,*  
per quem mundo bona cuncta largiris.

Discooperit calicem et, eum elevans cum hostia, cantat vel  
clara voce dicit:

PER IPSUM et cum ipso et in ipso  
est tibi Deo Patri omnipotenti,  
in unitate Spiritus Sancti,  
omnis honor et gloria,  
per omnia saecula saeculorum.  
*Populus respondet:*  
Amen.

### ACCLAMATIONES POST CONSECRATIONEM AD LIBITUM SELIGENDAE

1. Mortem tuam annuntiamus, Domine,  
et tuam resurrectionem confitemur, donec venias.
2. Quotiescumque manducamus panem hunc et calicem  
bibimus, mortem tuam annuntiamus, Domine, donec  
venias.
3. Salvator mundi, salva nos,  
qui per crucem et resurrectionem tuam liberasti nos.